



**Ilmiy amaliy
jurnal
№ 11 (13)
2025**

**YANGI
O'ZBEKISTON
IQTISODIYOTI**

“YANGI O‘ZBEKISTON IQTISODIYOTI” *jurnali 11-son 2025 yil*

**O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI**

**MIRZO ULUG‘BEK NOMIDAGI
O‘ZBEKISTON MILLIY UNIVERSITETI**

YANGI O‘ZBEKISTON IQTISODIYOTI

11

ISBN 978-9943-5256-3-4

Toshkent – 2025

MUNDARIJA

Жанназарова Г.К., Кодиржонов Ш., Миркомиллов Д. Инфраструктура экологии: мировой опыт и перспективы для Узбекистана.....	7
Бабаханова Д.Р. Цифровая трансформация промышленности: инновации, которые определяют будущее.....	15
Raxmatullaev A.X. Neft-gaz sanoati korxonalarining samaradorligini oshirishda investitsion faoliyatni takomillashtirish.....	18
Кадилова Д.Ш. Фосфогипс чиқиндисиди асосида олинадиган гипсли боғловчининг техник-иктисодий самарадорлик кўрсаткичлари.....	22
Исраилова Д.К. Иқтисодиётда аёллар бандлигини ташкил этишга назарий қарашлар...	24
Мирсаидова Ш.А. Зарубежный и отечественный опыт повышения эффективности строительных компаний.....	29
Солиева Г.А. Туризм и цифровые технологии.....	35
Қобилов Ш. Янги Ўзбекистоннинг “Яшил” тараққиёт йўли” — хавфсизлик ва фаровонлик омили.....	39
Boboyev A.Ch. Hududlarda agrosanoat majmuasini klaster asosida ishlab chiqarishini tashkil etish	46
Жураханов М.Э. Концептуальные основы устойчивого развития малого бизнеса и предпринимательства Узбекистана.....	50
Ismatov R.O. Sanoat korxonalarida innovatsion faoliyatni boshqarish tizimini samaradorligini oshirish.....	55
Шокирова Г.М. Суть и особенности управления цифровым маркетингом и его значимость для организации бизнес-процессов на промышленных предприятиях.....	60
Anafiyyayev A.M. Makroiqtisodiy barqarorlikni ta'minlashda sanoat tarmog'i salohiyatining roli.....	65
Mirzayev S.A. O'zbekiston qurilish sanoatida strategik boshqaruv.....	69
Sattikulova G.A. To'qimachilik sanoatini rivojlantirishni hududiy xususiyatlari yuzasidan ilg'or xorij tajribasi.....	72
Ubaydullaev K. Qoraqalpog'iston Respublikasi qishloq xo'jaligida moddiy-texnika resurslaridan foydalanish samaradorligini oshirish zahiralari.....	76
Quvondiqova G.S. “International experience: the interrelationship between industrial investments and economic growth”.....	80
Сапаров И.Ў. Европа иттифоқининг рақамли платформаларни тартибга солиш тажрибаси: Digital Markets Act (DMA) ва Digital Services Act (DSA).....	84
Saidaxmedov N.X. Raqamli texnologiyalar asosida yengil sanoat korxonalarida mehnat unumdorligini oshirish mexanizmlari.....	90
Pardayev T.N., Jo'rayev J.J., Usmonov Sh.E. Bojxona to'lovlaridan beriladigan imtiyozlarning samaradorligini oshirish yo'llari.....	94
Eraliev A.A. Efficient utilization of digitalization to enhance productivity in Uzbekistan's enterprises.....	99
Соҳибназаров А.А. Ўзбекистонда исломий молия тизимининг шаклланиши ва ривожланиш босқичлари: хронологик ёндашув.....	103
Karimova N.Y. Raqamli transformatsiya va mehnat unumdorligi o'sishining iqtisodiy rivojlanishga ta'siri: O'zbekiston misolida empirik tahlil.....	107
Usubjonov Z.V. Bank xizmatlari bozorini rivojlanishda marketing strategiyalaridan foydalanish.....	110
Jo'raboyev H.X. Analysis of economic and financial indicators of small business entities in the construction sector.....	113
Ziyodullaev S.M. Modern approaches to reducing liquidity risk in managing bank passive operations and harmonization with international standards.....	117
Хайдаров Х.У., Рахмонов Д.Р. Молиявий инқироз оқибатлари ва уларни олдини олиш чора-тадбирлари ахамияти.....	120

“YANGI O‘ZBEKISTON IQTISODIYOTI” *jurnali* 11-son 2025 yil

Achilov A.N. Aktuar uslublarning aktualligi.....	125
Berdiyarov B.T. O‘zbekiston tijorat banklari uchun sun’iy intellektga asoslangan kredit riski va likvidlikni boshqarish.....	127
Nishonboyev D.E. Directions for improving the business environment in Uzbekistan.....	132
Юлдашева Г. Основные направления повышения эффективности управления деятельности предприятий оптовой (розничной) торговли.....	136
Jumanazarova G. Investitsion siyosatni amalga oshirishda xorij tajribasi.....	138
Амбарцумян А.А. Некоторые проблемы внедрения возобновляемых источников в генерацию энергии.....	142
Yangiboyev U.A. Chakana savdo tarmoqlarini raqamlashtirish yo‘nalishlari	146
Холматов Б., Абдукаххорова З. Ижтимоий давлат моделлари	150
Mambetjanov Q.Q. Kambag‘allikni qisqartirishda inson kapitali omilidan samarali foydalanish yo‘nalishlari	154
Nigmatova D.Z., Amanov E.G’. Talant management tizimi – inson resurslarini boshqarishda innovatsion yondashuv sifatida	159
Xalmirzayev A.A., Shodiyeva N.H. Agroturizmni rivojlantirishning xalqaro tajribalari va undan O‘zbekistonda foydalanish imkoniyatlari	162
Normurodov X.E., Abduxalilov S.A. O‘zbekiston iqtisodiyotining barqaror o‘shida inson kapitalining ahamiyati	167
Мусаева Д.Д. Основные принципы и подходы к стратегическому управлению	172
Гайбуллаев Ф. Коррупциядан қарши мурасасиз муҳит яратиш борасида кенг қўламли ислохотлар стратегияси.....	175
Mirzayev B.S. Bank sektorida kredit xavflarini baholashning yangi usullari: PD–LGD–EAD integratsiyalashgan modeli.....	180
Ruzmanov Sh.U. Oziq-ovqat korxonalari mahsulotlari raqobatbardoshligini boshqarish samaradorligini baholash usullari.....	183
Xasanova X.F. Islomiy moliyalashtirishda buxgalteriya hisobi va audit tekshiruvlarini uyg‘unlashtirish.....	187
Baxtohunova D.N. Mijoz - bank uchun emas, bank- mijoz uchun. (Mijozning o‘rniga o‘zingiz o‘tiring...).....	191
Ikromov A.Sh. Yangi O‘zbekistonda oziq-ovqat korxonalarida mahsulot raqobatbardoshligini boshqarish amaliyotini davlat tomonidan qo‘llab-quvvatlash xususiyatlari.....	195
Abdumo‘minov A.A. Sanoat korxonalari raqobatbardoshligiga ta’sir etuvchi omillar.....	200
Murtazayev I.B. Zarafshon mintaqasida agrar salohiyat va qayta ishlash infratuzilmasini rivojlantirishning oziq-ovqat xavfsizligiga ta’siri.....	207
Абдухамидова Ф.Б. Факторы, влияющие на намерение пользователей оформлять цифровые подписки.....	212
Juraev D.A. Sanoat korxonalari ishlab chiqarish samaradorligini oshirish.....	215
Захирова Г.М. Ўзбекистонда тиббий туризмни ривожлантириш масалалари.....	218
Tursunov M.B. Tadbirkorlik risklarining mohiyati, mazmuni va turlari.....	223
Danabekov A.S. Yangi O‘zbekistonda kambag‘allikni qisqartirish - davlat siyosatining ustuvor masalasi sifatida.....	230
Кадырова И.В. Работы особенности регионального туристического кластера.....	233
Ro‘zimatova Sh.B. Xorazmda gastronomik turizmni rivojlantirish.....	237
Doniyev Sh.O’. Global iqtisodiy integratsiya sharoitida to‘g‘ridan-to‘g‘ri xorijiy investitsiyalar jalb qilish: mavjud imkoniyatlar hamda to‘siqlar.....	240
Давлетов Ж.М. Зарубежный опыт управления качеством пассажирских перевозок на железнодорожном транспорте.....	244
Aripov O.A. Sharqda buyuk mutafakkirlarning asarlarida «tadbirkorlik» tushunchasi mohiyatining yoritilishi.....	248
Turebekov A.A. Jahon bozor iqtisodiyotida ishlab chiqarish xarajatlarini tartibga solishning nazariy jihatlar.....	253

**ЎЗБЕКИСТОНДА ИСЛОМИЙ МОЛИЯ ТИЗИМИНИНГ ШАКЛЛАНИШИ ВА
РИВОЖЛАНИШ БОСҚИЧЛАРИ: ХРОНОЛОГИК ЁНДАШУВ**

**СТАНОВЛЕНИЕ И ЭТАПЫ РАЗВИТИЯ ИСЛАМСКОЙ ФИНАНСОВОЙ СИСТЕМЫ
В УЗБЕКИСТАНЕ: ХРОНОЛОГИЧЕСКИЙ ПОДХОД**

**FORMATION AND STAGES OF DEVELOPMENT OF THE ISLAMIC FINANCIAL
SYSTEM IN UZBEKISTAN: CHRONOLOGICAL APPROACH**

Сохибназаров Абдурашид Абдувоҳидович
ЎзМУ таянч докторанти

Аннотация

Ушбу мақолада Ўзбекистонда исломий молия тизимининг шаклланиши ва ривожланиш босқичлари хронологик нуқтаи назардан таҳлил қилиниб, исломий молия йўлидаги мамлакат тажрибаси иқтисодий ривожланиш назарияси ва институционал иқтисодиёт тамойиллари доирасида баҳоланиб, тартибга солиш кетма-кетлиги ҳамда ташқи молиявий ҳамкорликнинг аҳамияти ёритилади. Жумладан, тадқиқотда эмпирик маълумотлар, сиёсий-ҳуқуқий ҳужжатлар ҳамда илмий манбалар таҳлил қилиниб, Ўзбекистонда исломий молия ривожининг мантикий ва назарий асосланган манзараси яратилади.

Калит сўзлар: ислом молияси, молиявий ривожланиш, институционал иқтисодиёт, Шариат талабларига мувофиқ банк, сукук, тартибга солиш, микромолия, иқтисодий диверсификация.

В данной статье анализируются этапы становления и развития исламской финансовой системы в Узбекистане в хронологическом порядке, оценивается опыт страны в области исламских финансов в рамках теории экономического развития и принципов институциональной экономики, а также освещаются последовательность регулирования и значение внешнего финансового сотрудничества. В частности, в исследовании анализируются эмпирические данные, политико-правовые документы и научные источники для создания логичной и теоретически обоснованной картины развития исламских финансов в Узбекистане.

Ключевые слова: исламские финансы, финансовое развитие, институциональная экономика, шариатский банкинг, сукук, регулирование, микрофинансирование, экономическая диверсификация.

This article analyzes the formation and development stages of the Islamic financial system in Uzbekistan from a chronological perspective, evaluates the country's experience in Islamic finance within the framework of the theory of economic development and the principles of institutional economics, and highlights the sequence of regulation and the importance of external financial cooperation. In particular, the study analyzes empirical data, political and legal documents, and scientific sources to create a logical and theoretically based picture of the development of Islamic finance in Uzbekistan.

Keywords: Islamic finance, financial development, institutional economics, Sharia-compliant banking, sukuk, regulation, microfinance, economic diversification.

Ўзбекистонда исломий молия тизими 1991 йилда мустақилликка эришилгандан сўнг босқичма-босқич шаклланиб, миллий молия тизимида Шариатга мувофиқ молиявий воситалар ҳуқуқий ёки институционал асосга эга бўлмаган айрим ташаббуслар орқали пайдо бўла бошлади. Сўнгги йиллар давомида Ўзбекистон тажриба сифатидаги кичик турдаги “пилот” лойиҳаларидан бошлаб, исломий молияни миллий иқтисодий стратегияга

интеграциялашган тизимли ислохотлар босқичига ўтди. Хусусан, Президент Ш.М. Мирзиёев томонидан “мамлакатимизда ислом молиявий хизматларини жорий этиш бўйича ҳуқуқий базани яратиш вақти-соати келди. Бунга Ислом тараққиёт банки ва бошқа халқаро молия ташкилотлари экспертлари жалб этилади” [1], деган фикрларнинг билдириб ўтилиши мамлакат молия тизимининг бугунги ривожланиш босқичида ислом молия тизимини амалиётга самарали жорий этиш йўналишларини аниқлаш зруриятини янада оширади.

Ўзбекистон Республикаси Марказий банки раиси М. Нормуродов “Бизда ислом молиясини ривожлантириш бўйича ишлар бошланган. 14 банкда ислом молияси дарчаларини ташкил этиш бўйича ишлар амалга ошириляпти. Яъни бунда ислом молияси асосида кредит, депозитлар амалга оширилади. ... Ислом молиясини кенг амалга оширишга молия кредит ташкилотларига қонун доирасида рухсат беряпмиз. Бунда, албатта, тегишли норматив-ҳуқуқий ҳужжатлар устида ишляпмиз. Яна бир нарсани таъкидлаш ўринли, ислом молиясини ривожлантириш учун фатво берадиган мусулмон идораси ҳам керак экан” [2], деган фикрларни билдирганлиги мамлакатда ислом молиясига асосланган банкчилик хизматларини ривожлантиришга қаратилган ишлар бошланганлигидан далолат беради. Шу билан биргаликда, Илом тараққиёт банки томонидан “Ўзбекистонда ислом банкини ва молияси норматив-ҳуқуқий базасини ишлаб чиқиш, мамлакатда ислом молиялаштириш механизмларини жорий этиш, Ислом халқаро академияси негизида ислом тараққиётининг “ақлли” синфини яратиш” [3] мақсадида техник ва молиявий ёрдам кўрсатиш ишлари амалга оширилаётганлиги кейинги йилларда мамлакатда исломий молия тамойилларига асосланган молиявий хизматлар кўрсатиш тизимини шакллантириш ва уни ривожлаантириш масалалари ҳам илмий ҳам амалий жиҳатдан долзарб аҳамият касб этишини кўрсатади.

Ўзбекистонда исломий молия тизимининг ривожланиши, хусусан, иқтисодий ислохотлар ва молиявий инклюзивлик контекстида, олимлар томонидан тобора ортиб бораётган эътиборни жалб қилмоқда. Дастлабки тадқиқотлар Шариатга мувофиқ молиявий воситаларни жорий этишдаги ҳуқуқий ва институционал тўсиқларга эътибор қаратган. Масалан, Хасанов (2023) Ўзбекистонда исломий микромолиянинг ривожланишига ҳалакит берувчи тартибга солиш бўшлиқларини таҳлил қилиб, ҳуқуқий меъёрларни уйғунлаштириш заруратини таъкидлаган. [4] Абдужабборов ва Закирова (2024) эса Ўзбекистонда исломий молия истикболлари, академик муассасалар ва жамоатчиликни хабардор қилиш кампанияларининг ролини ўрганган. [5] Шу билан бир қаторда, қиёсий тадқиқотлар ҳам адабиётларни янада бойитган. Жалил (2025) исломий молияни ноисломий иқтисодиётларга жорий этиш бўйича глобал моделларни таҳлил қилиб, Ўзбекистон мисолини Малайзия ва Баҳрайн билан солиштирган. [6] Абсаматов (2024) Ўзбекистонда исломий банк хизматларини амалга оширишни баҳолаб, бозор тайёргарлигини статистик ва кейс-стади усуллари орқали таҳлил қилган. [7] Ахмаджонов (2025) эса исломий молияни кенгайтиришда тартибга солишнинг аниқлиги ва Шариат бошқарувининг аҳамиятини таъкидлаган. [8]

Марказий Осиё минтақасида исломий молияга оид макро-таҳлил Эуроосиё тараққиёт банки ва Ислом тараққиёт банки институти (2025) томонидан амалга оширилган бўлиб, Ўзбекистон, Қозоғистон ва Қирғизистондаги тенденцияларни ёритган. [9] Нагаев ИКАМнинг мамлакат ҳисоботида (2022) Марказий Осиё ва Россия контекстида исломий молия тизими умумий муаммоларини, жумладан, малакали кадр етишмовчилиги ва ҳуқуқий номувофиқликларни аниқлаган. [10] Бошқа эътиборга молик тадқиқотлар қуйидагиларни ўз ичига олади: Ўзбекистонда исломий капитал бозорларига оид Эмералд тадқиқоти, қонунчилик тайёргарлиги ва инвестор талабини баҳолаган. [11] Қаюмова томонидан Иман Инвестмент МЧЖнинг институционал таҳлили, унинг ривожланиш йўли кузатилган. [12] Марказий Осиёда исломий молия бўйича ЭАБР ҳисоботида минтақавий актив ҳажмлари ва демографик салоҳият миқдорий жиҳатдан таҳлил қилинган. [13] Ушбу тадқиқотларнинг барчаси ҳуқуқий ислохотлар, институционал салоҳият ва минтақавий ҳамкорликнинг аҳамиятини кўрсатади. Шунингдек, улар Ўзбекистоннинг исломий молияга секин, лекин онгли тарзда кириб келган ноёб мавқеини ва катта ривожланиш салоҳиятини таъкидлайди. Тадқиқот жараёнида тизимли, хронологик, қиёсий таҳлил, тарихийлик ва мантикийлик, тизимли ёндашув, индукция ва дедукция,

эксперт баҳолаш каби усуллардан фойдаланилган. Тарихий ривожланиш ва институционал кетма-кетлик нуктаи назаридан, Ўзбекистонда исломий молия алоҳида босқичларда ривожланди. Дастлабки босқич 1992–2000 йилларни ўз ичига олиб, унда исломий молия институтлари ва инструментларини ташкил этишга уринишлар билан характерланиб, ҳуқуқий қўллаб-қувватловсиз ва дастакларсиз бўлганлиги сабабли қисқа муддатли бўлган. Иккинчи босқич 2000–2018 йилларни қамраб олиб, минимал фаолият билан тавсифланган, исломий молия миллий иқтисодий сиёсатда деярли мавжуд бўлмаган. Учинчи босқич 2018–2022 йиллардаги ишларни назарда тутиб, стратегик ислохотлар жорий қилинди, жумладан Ислом тараққиёт банки гуруҳи билан ҳамкорлик кўлами янада кенгайтирилди. Шу билан бир қаторда, жуда муҳим бўлган қадамлар ташланиб, “Нобанк кредит ташкилотлари ва микромолиялаштириш фаолият тўғрисида”ги қонун қабул қилинди. Ушбу қонун орқали исломий молиялаштиришга оид хизматларни кўрсатиш имконияти яратилди. Ҳозирги босқич, яъни 2023 йилдан бошлаб айнаи дамда амалга оширилаётган ислохотларни қамраб олади. Ушбу даврда исломий молия институтларини яратишга қаратилган бўлиб, исломий банкларни лицензиялаш, Шариат кенгашларини ташкил этиш ва исломий молияни миллий ривожланиш стратегияларига интеграция қилишга уринишлар билан ўзига хос хусусият касб этмоқда.

Ҳуқуқий ва тартибга солиш базаси нуктаи назаридан, Ўзбекистонда исломий молия учун ҳуқуқий асос ҳали ривожланиш жараёнида, хусусан 2022 йил 20 апрелдаги “Нобанк кредит ташкилотлари ва микромолиялаштириш фаолияти тўғрисида” ги Ўзбекистон Республикаси қонуни исломий молияга оид хизматлар кўрсатиш бўйича аниқ рухсат этган биринчи ҳужжат бўлди. Шу билан бирга, исломий банк фаолияти учун кенг қамровли қонунчилик ҳали қабул қилинмаганлигини, бироқ халқаро экспертлар кўмагида Марказий банк томонидан тартибга солиш стандартларини ишлаб чиқишга киришилган бўлиб, Шариатга мувофиқ мослик ва изчилликни таъминлаш мақсадида қонун лойиҳаси ишлаб чиқилиб, тегишли тартибда қабул қилиш учун парламентга тақдим қилинган.

Иқтисодий таъсир ва ривожланиш салоҳияти жиҳатидан, исломий молия молиявий инклюзивликни ошириш имкониятига эга, айниқса анъанавий банк хизматлари чекланган кишлоқ ҳудудларида алоҳида аҳамият касб этади. “Такафул” ва “ҳалол ижара” каби молиявий маҳсулот турлари кичик ва ўрта бизнес корхоналари ҳамда кишлоқ хўжалиги корхоналарини қўллаб-қувватлаши мумкин. Исломий молиянинг ахлоқий тамойиллари Ўзбекистоннинг барқарор ривожланиш ва яшил инвестициялар мақсадлари билан уйғунлашади. Бироқ, мустақкам ҳуқуқий базаси ва жамоатчилик хабардорлигисиз, бозор қамрови чекланган бўлиб қолиши эҳтимоли юқори.

Бугунги кунда исломий молияни тадрижий ривожланишини таҳлил қилиш орқали куйидаги муаммо ва чекловлар мавжудлиги аниқланди, хусусан:

- Исломий банк фаолияти бўйича кенг қамровли қонунчиликнинг йўқлиги;
- Жамоатчиликнинг мазкур йўналишдаги хабардорлиги ва молиявий саводхонлигининг етарли даражада эмаслиги;
- Соҳада малакали олимлар ва кадрлар етишмаслиги;
- Стандартлаштирилган тартибга солиш амалиётларининг йўқлиги;
- Ҳозиргача суверен сукук чиқарилмаганлиги.

Ушбу муаммо ва чекловларни бартараф этиш учун мувофиқлаштирилган иқтисодий сиёсат, мавжуд салоҳиятни ошириш ташаббуслари ва халқаро ҳамкорлик зарурлигини алоҳида таъкидлаш жоиз. Ўзбекистонда исломий молиянинг хронологик ривожланиши молиявий диверсификация ва ахлоқий банк тизимига қараб босқичма-босқич, лекин онгли институционал ўзгаришларни акс эттиради. 1992-йилда Таиба банкнинг дастлабки, ҳуқуқий ва институционал қўллаб-қувватловсиз тажрибасидан бошлаб, 2020-йиллардаги тизимли ислохотларгача бўлган жараён Ўзбекистоннинг ислом молиясини мавжуд ҳуқуқий ва иқтисодий тизимга интеграция қилишдаги мураккабликларини намоён қилади. Таҳлил шуни кўрсатадики, асосий қадамларга эришилган - масалан, исломий микромолиянинг ҳуқуқий тан олинishi ва халқаро ҳамкорлар билан алоқалар, бироқ тўлиқ қонунчилик базаси, бозор кенгайishi ва жамоатчилик хабардорлиги ҳали чекланган.

Ўзбекистонда исломий молияни ривожлантириш учун бир қатор таклифлар илгари сурилиши лозим, хусусан:

ягона исломий банкчилик қонунини ишлаб чиқиши ва қабул қилишни тезлаштириш;
регуляторлар, молия мутахассислари ва олимларни исломий молия тамойиллари бўйича тайёрлаш учун салоҳиятни ошириш ташаббусларини қўллаб-қувватлаш ва кенгайтириш;
жамоатчиликни хабардор қилиш, исломий молия хизматларига оди тарғибот кампанияларини йўлга қўйиш;

инфратузилма ва яшил энергия лойиҳаларини молиялаштириш учун суверен сукукларни чиқариш бўйича пилот дастурлар амалга ошириш;

Ислом тараққиёт банки каби институтлар билан минтақавий ҳамкорлик чуқурлаштириб, энг яхши амалиётлар алмашинуви ва стандартларни уйғунлаштиришни йўлга қўйиш зарур.

Ушбу чоралар Ўзбекистонни глобал исломий молия бозорида ишончли ва рақобатбардош ўйинчи сифатида позициялашга ёрдам беради.

Фойдаланилган адабиётлар рўйхати:

1. Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси, 29.12.2020 й. [Электрон манба] URL: <https://president.uz/uz/lists/view/4057>
2. Мамамирзо Нормуродов Ўзбекистондаги тижорат банкларида ислом молияси дарчалари қачон иш бошлашини маълум қилди. 26.10.2021 й. <https://daryo.uz/k/2021/10/26/mamarizo-nurmurodov-ozbekistondagi-tijorat-banklarida-islom-moliyasi-darchalari-qachon-ish-boshlashini-malum-qildi>
3. Islom taraqqiyot banki O‘zbekiston qishloqlaridagi sharoitni yaxshilashga 200 mln dollarlik kredit ajratdi. 09.06.2021 й. <https://daryo.uz/2021/09/06/islom-taraqqiyot-banki-ozbekiston-qishloqlaridagi-sharoitni-yaxshilashga-200-mln-dollarlik-kredit-ajratadi/>
4. Khasanov, Shukhrat. “Islamic Finance in Uzbekistan: Legal and Institutional Developments.” *International Journal of Shariah and Economic Finance Law* 2, no. 1 (2023): 25–38. <https://pubjournals.com/IJSEFL/article/download/25/22/48>.
5. Abdujabborov, Nuralxaq G‘olibjon o‘g‘li and Zakirova, Sayyora Alimovna. “Prospects for the Development of Islamic Finance in the Republic of Uzbekistan.” *IJSEFL*, vol. 1, no. 1 (2024). <https://pubjournals.com/IJSEFL/article/download/25/22/48>.
6. Jalil, Mahama Abdul. “Comparative Models and Methodologies for the Introduction of Islamic Finance in Non-Islamic Economies.” *Neliti Journal*, May 2025. <https://www.neliti.com/publications/635025>.
7. Absamatov, Askar Ergashovich. “Implementing Islamic Banking Services in Uzbekistan.” *Journal of Economics, Finance and Management Studies*, vol. 7, no. 8 (2024): 4888–4898. <https://ijefm.co.in/v7i8/Doc/12.pdf>.
8. Akhmadjonov, Oybek Xusanovich. “Development of Islamic Financing in Uzbekistan Banking System Through Regulatory and Legal Reforms.” *Kokand University*, 2025.
9. Eurasian Development Bank, Islamic Development Bank Institute, and London Stock Exchange Group. “Islamic Finance in Central Asia.” *EDB Report*, May 2025. <https://isdbinstitute.org/edb-isdbi-and-lseg-publish-new-report-on-islamic-finance-in-central-asia/>.
10. Nagayev, Ruslan and Jahangir, Rashed. “Islamic Finance in Central Asia and Russia.” *IKAM Country Reports*, no. 28 (2022). https://ikam.org.tr/images/ikam_report_28_1.pdf.
11. “Prospects of Islamic Capital Market in Uzbekistan.” *Emerald Insight*, 2025. <https://www.emerald.com/imefm/article/17/1/102/1214202>.
12. Qayumova Z.A., Khikmatov A. “Islamic Finance in Uzbekistan: Development, Prospects and Institutional Review.” *Best journal of innovation in science, research and development*, 2024. – pp 26-34. https://uniwork.buxdu.uz/resurs/12594_1_58E99D6B2C7420BED582FE0252A81E0B3EB8A719.pdf.
13. “The Future of Islamic Finance in Central Asia.” *EABR Special Reports*, May 2025. <https://eabr.org/en/analytics/special-reports/the-future-of-islamic-finance-in-central-asia/>.